

Broj: 04-3-34- 5426/25
Sarajevo, 02. 06. 2025. godine

Na osnovu člana 3. Odluke o objavljivanju Javnog poziva za prijavu kandidata za recenzentne kataloga zadataka za nastavne predmete koji se izučavaju u osnovnim i srednjim školama Kantona Sarajevo, a u skladu s predmetnim kurikulumima zasnovanim na ishodima učenja broj: 01-3-34-5425/25 od 02.06.2025. godine, Javna ustanova Institut za razvoj preduniverzitetskog obrazovanja Kantona Sarajevo objavljuje,

**JAVNI POZIV
ZA PRIJAVU KANDIDATA ZA RECENZENTE KATALOGA ZADATAKA ZA NASTAVNE
PREDMETE KOJI SE IZUČAVAJU U OSNOVNIM I SREDNJIM ŠKOLAMA KANTONA
SARAJEVO A U SKLADU S PREDMETNIM KURIKULUMIMA KANTONA SARAJEVO
ZASNOVANIM NA ISHODIMA UČENJA**

I

Javna ustanova Institut za razvoj preduniverzitetskog obrazovanja Kantona Sarajevo (u daljem tekstu: Institut) objavljuje Javni poziv za recenzente kataloga zadataka za nastavne predmete koji se izučavaju u osnovnim i srednjim školama Kantona Sarajevo a u skladu s predmetnim kurikulumima Kantona Sarajevo zasnovanim na ishodima učenja (u daljem tekstu: Javni poziv) i to za:

1. Bosanski jezik i književnost, Hrvatski jezik i književnost, Srpski jezik i književnost (2 recenzenta);
2. Matematika (2 recenzenta);
3. Nastavni predmeti domene prirodnih nauka (Moja okolina, Priroda, Biologija (2 recenzenta);
4. Fizika (1 recenzent);
5. Hemija (1 recenzent);
6. Historija (1 recenzent);
7. Nastavni predmeti domene društvenih nauka (Geografija, Društvo) (2 recenzenta);

II

Javni poziv se objavljuje s ciljem recenzije pisanih zadataka određenog nastavnog predmeta s jasno definisanom formom koja je usklađena s Bloomovom taksonomijom i dimenzijama znanja za gore navedene nastavne predmete i nivoe obrazovanja kako slijedi: treći (3), šesti (6), deveti (9) razred osnovne škole, te drugi (2) razred srednje škole. Zadaci su pisani prema utvrđenim predmetnim kurikulumima zasnovanim na ishodima učenja. Svrha korištenja Kataloga zadataka za navedene nastavne predmete da budu podrška podučavanju i učenju.

III

2.1. Opći kriteriji:

Pravo prijave na Javni poziv imaju osobe koje ispunjavaju sljedeće uslove:

- Završen najmanje VII stepen stručne spreme ili drugi ciklus Bolonjskog sistema studiranja;
- Najmanje pet (5) godina radnog iskustva.

2.2. Dodatni kriteriji:

- Završen master ili doktorski studij iz područja obrazovne teorije;
- Visok stepen iskustva u području obrazovne teorije, didaktike i metodike nastave;
- Poznavanje sistema odgoja i obrazovanja u Kantonu Sarajevo;
- Iskustvo u izradi recenzije dokumenata stručnog i naučnog karaktera u oblasti odgoja i obrazovanja;
- Razvijene osnovne digitalne kompetencije potrebne za grafičko uređenje zadataka korištenjem digitalnih alata;
- Razumijevanje kognitivnih teorija (npr. Bloomove taksonomije, teorije o višestrukim inteligencijama) i kako se one primjenjuju na testiranje;
- Naročito izražen stepen odgovornosti u radu i poštivanja zadanih vremenskih rokova;
- Angažman u recenziji zadataka eksternih procjena znanja.

IV

3.1. Obaveze kandidata koji budu izabrani na osnovu Javnog poziva:

- recenzija zadataka i uputstva za bodovanje zadataka na različitim nivoima Bloomove taksonomije različitih dimenzija znanja i dimenzija kognitivnih procesa za različite nastavne predmete i nivoe obrazovanja, a kojima će se mjeriti ostvarenost ishoda učenja prema navedenim nastavnim predmetima;
- konkretni prijedlozi za poboljšanje zadataka uz korištenje digitalnih alata za svaku oblast, tip zadatka, kognitivni nivo/domena, ishod učenja/indikator postavljenog zadataka s uputstvom za bodovanje;
- kontinuirana saradnja i dogovor s Institutom;
- obavezan konsultativni sastanak u Institutu prije početka rada na recenziji;
- poštivanje dogovorenih rokova.

web: <http://www.irpo.ba>

e-mail: info@irpo.ba

Tel: (00 387 33) 778 600

Aleja Bosne Srebrene bb.IX. 71000 Sarajevo, Bosna i Hercegovina

V

4.1. Obavezna dokumentacija:

Kandidati su obavezni pravilno popuniti prijavni obrazac i u isti dodati u pdf formatu:

- CV;
- skeniranu diplomu o stečenoj stručnoj spremi;
- skenirano uvjerenje o položenom stručnom ispitu za samostalan odgojno-obrazovni rad (odnosi se na nastavnike u osnovnim i/ili srednjim školama);

4.2. Dodatna dokumentacija:

- potvrda/uvjerenje/ugovor o angažmanu u lokalnim i međunarodnim projektima koji su sadržavali aktivnosti izrade recenzije pisanih zadataka;

NAPOMENA: Institut zadržava pravo traženja dodatne dokumentacije relevantne za dokazivanje općih uvjeta predviđenih Zakonom.

VI

Prijave izvršiti isključivo putem naznačenog linka <https://forms.gle/ws73dGKE3oXcTJFg8>.

VIII

Rok za dostavljanje prijave je deset (10) dana od dana objavljivanja Javnog poziva. Naknada za recenzente će biti utvrđena odlukom direktorice Instituta.

Nepotpune i neblagovremeno prijave na Javni poziv neće se razmatrati.

Prijave koje odgovaraju uslovima Javnog poziva procjenjuju članovi komisije koje imenuje direktorica Instituta. Odabrani kandidati će biti informisani putem maila o izboru za recenziju kataloga zadataka za navedne nastavne predmete.



Direktorica Instituta

Senada Salihović

Dostavljeno:

1. Sektor za nastavne planove i programe,
2. Web stranica Instituta;
3. a/a

web: <http://www.irpo.ba>

e-mail: info@irpo.ba

tel. (00 387 33) 778 600

Aleja Bosne Srebrene bb IX, 71000 Sarajevo, Bosna i Hercegovina